

ք.Երևան _____ 20__թ.
“Ամերիաբանկ” ՓԲԸ-ն (այսուհետ՝ **Գնորդ**), ի դեմս _____, որը գործում է Բանկի կանոնադրության հիման վրա, մի կողմից և _____-ն (այսուհետ՝ **Վաճառող**), ի դեմս տնօրեն _____, որը գործում է _____ կանոնադրության հիման վրա, մյուս կողմից, միասին անվանվելով Կողմեր , կնքեցին սույն պայմանագիրը (այսուհետ՝ **Պայմանագիր**) հետևյալի մասին.

1. Պայմանագրի առարկան

1.1. Վաճառողը պարտավորվում է Գնորդին վաճառել Պայմանագրի անբաժանելի մասը հանդիսացող թիվ 1 հավելվածում (այսուհետ՝ **Հավելված**) նշված ապրանքները (այսուհետ՝ **Ապրանք**), իսկ Գնորդը պարտավորվում է ընդունել Պայմանագրի պայմաններին համապատասխանող որակյալ Ապրանքը և վճարել դրա համար:

2. Կողմերի իրավունքներն ու պարտականությունները

2.1. Վաճառողն իրավունք ունի՝

2.1.1. պահանջել Գնորդից Պայմանագրի պայմաններին համապատասխանող որակյալ Ապրանքի համար վճարելու Պայմանագրի 3-րդ գլխով սահմանված չափով, կարգով և ժամկետներում:

2.2. Վաճառողը պարտավոր է՝

2.2.1. Պայմանագրի երկկողմանի ստորագրման օրվանից սկսած _____ /_____/ աշխ. օրվա ընթացքում հանձնման-ընդունման ակտով ք. Երևան, _____ հասցեում Գնորդին հանձնել Հավելված 1-ում նշված քանակին և տեսականուն համապատասխանող Ապրանքը՝ պատշաճ փաթեթավորված վիճակում, առանց թերությունների, չօգտագործված, երրորդ անձանց իրավունքներից ազատ և որևէ այլ կերպ չձանրաբեռնված վիճակում,

2.2.2. իր պարտավորությունների չկատարման կամ ոչ պատշաճ կատարման դեպքում հատուցել Գնորդի վնասներն ամբողջ ծավալով,

2.2.3. Ապահովել Ապրանքի տեսակի և որակի համապատասխանությունը դրա ստանդարտի/նկարագրի չափանիշներին,

2.3. Գնորդն իրավունք ունի՝

2.3.1. եթե Վաճառողը հրաժարվում է հանձնել Ապրանքը, միակողմանի հրաժարվել Պայմանագիրը կատարելուց և պահանջել Վաճառողից վերադարձնելու վճարված կանխավճարը _____ /_____/ աշխատանքային օրվա ընթացքում:

2.3.2. եթե Վաճառողը հանձնել է Պայմանագրով որոշվածից պակաս քանակի Ապրանք, պահանջել _____ (_____) աշխատանքային օրվա ընթացքում լրացնելու Ապրանքի պակաս հանձնված քանակը կամ հրաժարվել չհանձնված Ապրանքի համար վճարելուց, իսկ եթե Ապրանքի համար վճարել է, ապա պահանջել _____ /_____/ աշխատանքային օրվա ընթացքում վերադարձնելու վճարված գումարը ամբողջությամբ, ներառյալ՝ կանխավճարը:

2.3.3. եթե հանձնված է անպատշաճ որակի Ապրանք, իր ընտրությամբ պահանջել՝

2.3.3.1. համաչափ պակասեցնելու Ապրանքի գինը,

2.3.3.2. ողջամիտ ժամկետում, սակայն ոչ ուշ, քան _____ (_____) աշխատանքային օրվա ընթացքում, անհատույց վերացնելու Ապրանքի թերությունները, իսկ Գնորդի պահանջով՝ փոխարինելու նոր պատշաճ որակի Ապրանքով

2.3.3.3. հատուցելու Ապրանքի թերությունները վերացնելու համար իր կատարած ծախսերը:

2.3.4. չվերացվող կամ ողջամիտ ժամկետում չվերացվող թերություններ հայտնաբերելու դեպքում, իր ընտրությամբ՝

2.3.4.1. հրաժարվել Պայմանագիրը կատարելուց և պահանջել 10 (տասը) աշխատանքային օրվա ընթացքում վերադարձնելու Ապրանքի համար վճարված գումարը

2.3.4.2. պահանջել _____ (_____) օրվա ընթացքում փոխարինելու անպատշաճ որակի Ապրանքը Պայմանագրին և Հավելվածին համապատասխանող որակի ապրանքով,

2.4. Գնորդը պարտավոր է՝

2.4.1. Ապրանքի համար վճարել Պայմանագրի 3-րդ գլխով սահմանված չափով, ժամկետներում և կարգով,

2.4.2. Ապրանքը Վաճառողից ընդունելու ժամանակ ստուգել Ապրանքի տեսականու, քանակի և որակի համապատասխանությունը Հավելվածին:

3. Հաշվարկները

3.1. Ապրանքի գինը կազմում է _____ (_____) ՀՀ դրամ ներառյալ հարկերը ինչպես նաև Ապրանքը մինչև Պայմանագրի 2.2.1 ենթակետով նախատեսված հասցեն առաքելը կատարված բոլոր ծախսերը (այսուհետ՝ **Գին**):

- 3.2. Գնորդը պարտավորվում է վճարել Գնի _____%-ը, որը կազմում է _____ / _____ / ՀՀ դրամ որպես կանխավճար Պայմանագրի երկկողմանի ստորագրման օրվանից 5 բանկային օրվա ընթացքում: Գնի մնացած մասը, որը կազմում է _____ / _____ / ՀՀ դրամ Գնորդը վճարում է Վաճառողին Վաճառողի կողմից Ապրանքը մատակարարելուց հետո երկկողմանի հաստատված հանձնման-ընդունման ակտի և հարկային հաշվի հիման վրա 15 /տասնհինգ/ բանկային օրվա ընթացքում:
- 3.3. Գինը վերջնական է և փոփոխման ենթակա չէ:
- 3.4. Վճարումը կատարվում է ՀՀ դրամով. ամբողջ գումարը փոխանցվում է Պայմանագրի կետում նշված հաշվեհամարին

4. Կողմերի պատասխանատվությունը

- 4.1 Պայմանագրով սահմանված ժամկետային պարտավորությունները չկատարելու կամ ոչ պատշաճ կատարելու դեպքում, ժամկետանց պարտավորության յուրաքանչյուր օրվա համար Վաճառողը Գնորդի գրավոր պահանջի դեպքում վերջինիս վճարում է տույժ Գնի 0.1 /զրո ամբողջ մեկ տասնորդական/ տոկոսի չափով, իսկ կետանցի 15-րդ օրը միանվագ տուգանք պայմանագրի գնի 10%-ի չափով՝ չդադարեցնելով օրական տույժերի հաշվարկը:
- 4.2 Պայմանագրի 3.2 կետում նշված ժամկետներում և կարգով Ապրանքի դիմաց Վաճառողին չվճարելու դեպքում ժամկետանց պարտավորության յուրաքանչյուր օրվա համար, Գնորդը Վաճառողի գրավոր պահանջի դեպքում վերջինիս վճարում է տույժ վճարման ենթակա չվճարված Գնի 0.1 /զրո ամբողջ մեկ տասնորդական/ տոկոսի չափով, իսկ կետանցի 15-րդ օրը միանվագ տուգանք պայմանագրի գնի 10%-ի չափով՝ չդադարեցնելով օրական տույժերի հաշվարկը:
- 4.3 Պայմանագրի 2.2.1 ենթակետով սահմանված կարգով մատակարարումը չիրականացնելու դեպքում Գնորդի պահանջը ստանալուց ____ / _____ / բանկային օրվա ընթացքում Վաճառողը պարտավորվում է Գնորդին հետ վերադարձնել Պայմանագրի 3.2 կետով սահմանված կանխավճարի գումարը:
- 4.4 Պայմանագրով չնախատեսված դեպքերում, Կողմի պարտավորությունները չկատարելու կամ ոչ պատշաճ կատարելու, դրա հետևանքով Կողմի մոտ առաջացած վնասի համար պատասխանատվության են կրում ՀՀ օրենսդրությամբ սահմանված կարգով, Պայմանագրով սահմանված տուժանքի (տույժի և/կամ տուգանքի) փաստացի կիրառման դեպքում տուժանքի տարեկան դրույքաչափը և/կամ տուժանքների հանրագումարի չափը գործում է ՀՀ օրենսդրությամբ նշված թույլատրելի առավելագույն չափերի սահմաններում:
- 4.5 Տուժանքների վճարումը Կողմերին չի ազատում Պայմանագրով ստանձնած իրենց պարտավորությունները կատարելու, ինչպես նաև վնասները հատուցելու պարտականությունից:

5. Ապրանքի որակը և երաշխիքային սպասարկման ժամկետը

- 5.1. Վաճառողը երաշխավորում է հանձնած Ապրանքի որակի համապատասխանությունը Պայմանագրով և Հավելվածով սահմանված պայմաններին:
- 5.2. Ապրանքի վրա տարածվում է Վաճառողի երաշխիքը ____ / _____ / տարի ժամկետով՝ անվճար, պատշաճ որակով և ժամկետներում վերացնել առաջացած արտադրական թերությունները, որը կկցվի Պայմանագրին, որպես վերջինիս պայմանների անբաժանելի մաս:

6. Անհաղթահարելի ուժի ազդեցությունը

- 6.1 Պայմանագրով ստանձնած պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք (տարերային բնույթի երևույթներ (հրդեհների, ջրհեղեղների և այլնի) կամ ռազմական գործողություններ) , որը ծագել է Պայմանագիրը կնքելուց հետո, և որը Կողմերը չէին կարող կանխատեսել և/կամ կանխարգելել:
- 6.2 Անհաղթահարելի ուժի ի հայտ գալու դեպքում, Կողմը, որի պարտավորությունների պատշաճ կատարմանը խոչընդոտում է անհաղթահարելի ուժը, պարտավոր է այդ մասին անհապաղ տեղեկացնել մյուս Կողմին, որն իրավունք ունի վաղաժամկետ լուծել Պայմանագիրը՝ այդ մասին 3 (երեք) օր առաջ գրավոր ծանուցելով մյուս Կողմին, եթե անհաղթահարելի ուժի ազդեցությունը շարունակվում է 1 (մեկ) ամսից ավելի:

7. Այլ պայմաններ

- 7.1. Կողմերը սույնով պարտավորվում են Պայմանագրի կնքման և կատարման առնչությամբ Կողմերին հայտնի դարձած, ինչպես նաև մյուս Կողմի բացահայտած տեղեկատվությունը չիրապարակել, չտարածել, երրորդ անձանց հայտնի չդարձնել, ինչպես նաև երրորդ անձանց նման տեղեկություններ հայթայթելու հնարավորություն ուղղակիորեն կամ անուղղակիորեն չընձեռել, բացառությամբ այն դեպքերի, երբ տեղեկատվությունը գաղտնի չի համարվում, քանի որ.
- 7.1.1. նախապես հայտնի է ընդունող Կողմին այլ իրավաչափ աղբյուրներից/եղանակով,

- 7.1.2. հանդիսանում է կամ դառնում է հասարակայնորեն հասանելի,
- 7.1.3. թույլատրված է հրապարակման համապատասխան Կողմի գրավոր համաձայնությամբ:
- 7.2. Ուայմանագրի 7.1 կետով Կողմերի համար սահմանված պարտավորությունը գործում է Պայմանագրի գործողության ողջ ժամկետի ընթացքում, ինչպես նաև Պայմանագրի գործողության ժամկետը լրանալուց հետո անորոշ ժամկետով:
- 7.3. Պայմանագիրն ուժի մեջ է մտնում երկկողմանի ստորագրման պահից և գործում է մինչև Պայմանագրով Կողմերի ստանձնած պարտավորությունների ամբողջությամբ և պատշաճ կատարումը:
- 7.4. Պայմանագրի նկատմամբ կիրառվում է ՀՀ օրենսդրությունը:
- 7.5. Պայմանագրի բոլոր փոփոխություններ և/կամ լրացումները կատարվում են երկկողմանի ստորագրված գրավոր փաստաթուղթ կազմելու ձևով:
- 7.6. Պայմանագրի կապակցությամբ ծագած վեճերը լուծվում են ՀՀ օրենսդրությամբ սահմանված կարգով:
- 7.7. Պայմանագիրը կնքված է հայերեն լեզվով, 2 (երկու) հավասար իրավաբանական ուժ ունեցող օրինակներից: Յուրաքանչյուր կողմին տրվում է Պայմանագրի մեկական օրինակ:

8. Կողմերի հասցեները, բանկային վավերապայմանները և ստորագրությունները

8.1. Սույնով Կողմերն համաձայնում են, որ միմյանց հետ ցանկացած հաղորդակցում/ծանուցում/փաստաթուղթ, որը կապված է Պայմանագրի գործողության ընթացքում Կողմերի իրավունքների, պարտականությունների կամ պատասխանատվության սահմանման, փոփոխման կամ դադարեցման կամ Պայմանագրից բխող ցանկացած պահանջի կամ այլ հարցերի հետ, կատարվում է սույն Պայմանագրում նշված էլեկտրոնային փոստի և/կամ պաշտոնական էլեկտրոնային փոստի /առկայության դեպքում/ միջոցով, իսկ դրանց բացակայության դեպքում սույն Պայմանագրում նշված փոստային հասցեով առաքման եղանակով, եթե այլ բան նախատեսված չէ Պայմանագրով կամ ՀՀ օրենսդրությամբ: Ընդ որում, Վաճառողը համարվում է պատշաճ ծանուցված, երբ ծանուցումն ուղարկվել է Վաճառողի՝ Գնորդին տրամադրած պաշտոնական և/կամ այլ էլեկտրոնային փոստի հասցեով, և առկա է այն ստանալու մասին էլեկտրոնային հավաստում, եթե նույնիսկ բացակայում է այն կարդալու մասին էլեկտրոնային հավաստումը: Այս դեպքում Վաճառողը համարվում է պատշաճ ծանուցված ծանուցումն ստանալուն հաջորդող 5-րդ /հինգերորդ/ օրվանից:

Վաճառող

Հասցե՝ _____
 “Ամերիաբանկ” ՓԲԸ
 ՀՀ _____
 ՀՎՀՀ _____
 Էլ. փոստի հասցե _____

Կ.Տ.

Գնորդ

“Ամերիաբանկ” ՓԲԸ
 Հասցե՝ ք. Երևան, Վ. Սարգսյան 2
office@ameriabank.am
 ՀՎՀՀ 02502212
 ՀՀ Կ/Բ Թ/Հ 103002101576

Կ.Տ.

N	P/N	Նկարագրություն	Ք-կ	Միավորի արժեքը ներառյալ բոլոր հարկերը	Ընդհանուր
1.					

Վաճառող

Հասցե՝ _____
 “Ամերիաբանկ” ՓԲԸ
 ՀՀ _____
 ՀՎՀՀ _____

Կ.Տ.

Գնորդ

“Ամերիաբանկ” ՓԲԸ
 Հասցե՝ ք. Երևան, Վ. Սարգսյան 2
office@ameriabank.am
 ՀՎՀՀ 02502212
 ՀՀ Կ/Բ Թ/Հ 103002101576

Կ.Տ.